

MVb I wbqg
পঞ্চম অধ্যায়
গ্রুপ সংগঠন

২০৭। গ্রুপ

একটি কাবস্কাউট ইউনিট, স্কাউট ইউনিট ও একটি রোভার স্কাউট ইউনিট সমন্বয়ে একটি পূর্ণাঙ্গ স্কাউট গ্রুপ গঠিত হবে। বিশেষ ক্ষেত্রে কোন শাখায় এক বা একাধিক স্কাউট ইউনিট নিয়েও স্কাউট গ্রুপ গঠিত হতে পারবে।

২০৮। গ্রুপের প্রকৃতি

- (ক) স্কাউট গ্রুপ দু'ধরনের হতে পারবে : (১) নিয়ন্ত্রিত স্কাউট গ্রুপ; (২) মুক্ত স্কাউট গ্রুপ।
- (খ) অনুমোদিত স্কুল, মাদ্রাসা, কলেজ ও বিশ্ববিদ্যালয়, সরকারি / আধা সরকারি / স্বায়ত্বশাসিত প্রতিষ্ঠান, বিধিবদ্ধ সংস্থা, ব্যবসায়িক প্রতিষ্ঠান, ধর্মীয় সংস্থা, অরাজনৈতিক যুব সংস্থা ইত্যাদির আওতায় নিয়ন্ত্রিত স্কাউট গ্রুপ গঠন করা যাবে। নিয়ন্ত্রিত গ্রুপে সংশ্লিষ্ট প্রতিষ্ঠান বা সংস্থার স্কাউট বয়সী বালক-বালিকা, কিশোর-কিশোরী, যুবক-যুবতী ছাড়া অন্য কেউ অন্তর্ভুক্ত হতে পারবে না। সংশ্লিষ্ট প্রতিষ্ঠান/ সংস্থা প্রধান হবেন এরূপ গ্রুপের নিয়ন্ত্রণ কর্তৃপক্ষ।
- (গ) নিয়ন্ত্রিত গ্রুপের এলাকা বহির্ভূত যে কোন মহল্লা বা পাড়ায় বসবাসকারী স্কাউট বয়সী ছেলেমেয়েদের নিয়ে মুক্ত স্কাউট গ্রুপ গঠন করা যাবে। শিক্ষা প্রতিষ্ঠানের লিখিত অনুমতিক্রমে তাদের সদস্যগণও মুক্ত স্কাউট গ্রুপে ভর্তি হতে পারবে। উপজেলা/ থানা, জেলা স্কাউটসের অনুমোদনক্রমে মুক্ত স্কাউট গ্রুপের কাউন্সিল সভাপতি এরূপ গ্রুপের নিয়ন্ত্রণ কর্তৃপক্ষ হিসেবে থাকবেন।
- (ঘ) যে কোন কাব স্কাউট, স্কাউট ও রোভার স্কাউট ইউনিটে বালকদের ন্যায় বালিকারা ও সমর্যাদায় সদস্য হতে পারবে।
- (ঙ) বালিকা বিদ্যালয়, মহাবিদ্যালয়ের ছাত্রীদের ক্ষেত্রেও এ উপধারা প্রযোজ্য হবে।
- (চ) বালিকারা কাব স্কাউট, স্কাউট ও রোভার স্কাউট যে কোন শাখার সদস্য হোক না কেন, তাদেরকে গার্ল-ইন-স্কাউটিং বলে অভিহিত করতে হবে।

২০৯। গ্রুপ নিয়ন্ত্রণ কর্তৃপক্ষের দায়িত্ব

গ্রুপ নিয়ন্ত্রণ কর্তৃপক্ষের দায়িত্ব নিম্নরূপ :

MVb I wbqg

- (ক) গ্রুপ স্কাউটারদের কার্যাবলী সুষ্ঠুভাবে পরিচালনার্থে প্রয়োজনীয় উৎসাহ ও সহযোগিতা দান;
- (খ) বাংলাদেশ স্কাউটসের 'গঠন ও নিয়ম' মোতাবেক নিজ নিজ স্কাউট গ্রুপের মান বজায় রাখা;
- (গ) স্কাউট প্রোগ্রাম সুষ্ঠুভাবে পরিচালনার জন্য প্রয়োজনীয় ট্রেনিং উপকরণ ও গ্রুপ ডেনের ব্যবস্থা করা;
- (ঘ) স্কাউট কার্যক্রমের পর্যায়ক্রমিক প্রশিক্ষণসহ যাবতীয় কর্মকাণ্ডের জন্য প্রয়োজনীয় অর্থ সরবরাহ ব্যবস্থা নিশ্চিত করা;
- (ঙ) স্কাউটিংয়ে বিভিন্ন শাখা ইউনিটের কার্যক্রম সুষ্ঠু পরিচালনার্থে প্রয়োজনীয় সংখ্যক স্কাউটার ও ইনস্ট্রাক্টর মনোনয়ন এবং তাদের যথাযথ ট্রেনিং প্রদান নিশ্চিত করা;
- (চ) বিধি মোতাবেক গ্রুপ রেজিস্ট্রেশন ফি প্রদান করে মঞ্জুরী লাভ ও নবায়ন করা;
- (ছ) স্কাউটারদের সনদ প্রদানের ব্যবস্থা করা;
- (জ) স্কাউট গ্রুপের সম্পদ ও তহবিল সুষ্ঠুভাবে পরিচালনা করা;
- (ঝ) গ্রুপের স্কাউট কার্যক্রমের ওপর মান্যাসিক ও বার্ষিক প্রতিবেদন উর্ধ্বতন কর্তৃপক্ষের নিকট প্রেরণ করা;

২১০। গ্রুপ রেজিস্ট্রেশন

- (ক) নতুন স্কাউট গ্রুপ বা তার শাখা ইউনিট গঠিত হওয়ার সঙ্গে সঙ্গে সংশ্লিষ্ট গ্রুপ স্কাউট লিডার/ ভারপ্রাপ্ত শাখা স্কাউট লিডার/ নিয়ন্ত্রণকারীকে রেজিস্ট্রেশনের চার প্রস্থ আবেদনপত্র পূরণ করে রেজিস্ট্রেশন ফি সহ উপজেলা/থানা স্কাউটসে পাঠাতে হবে।
- (খ) যোগ্যতাসম্পন্ন ও প্রশিক্ষণপ্রাপ্ত স্কাউটার দ্বারা সুষ্ঠুভাবে পরিচালনা সম্পর্কে সন্তুষ্টিলাভের পর উপজেলা/থানা স্কাউটসকে নতুন গ্রুপের আবেদন জেলা স্কাউটসের মাধ্যমে আঞ্চলিক স্কাউটসে পাঠাতে হবে।
- (গ) ১) তালিকাভুক্তির জন্য উপজেলা/ থানা স্কাউটসের সুপারিশ গ্রহণযোগ্য হলে আঞ্চলিক স্কাউটস রেজিস্ট্রেশন চার্টার মঞ্জুর করবে এবং এক প্রস্থ করে আবেদনপত্রসহ জেলা, উপজেলা/ থানা এবং গ্রুপকে অবহিত করবে। এক প্রস্থ আবেদনপত্র আঞ্চলিক অফিসে রক্ষিত থাকবে।
- ২) এভাবে তালিকাভুক্ত স্কাউট গ্রুপ/ইউনিটগুলো বাংলাদেশ স্কাউটসের অনুমোদিত ইউনিট বলে স্বীকৃত হবে। অনুমোদন বিহীন স্কাউট গ্রুপের কোন সদস্য স্কাউট পোশাক ও ব্যাজ

MVb I wbqg

পরিধান করতে পারবে না এবং কোন অনুষ্ঠানে স্কাউটদের
প্রতিনিধিত্ব করতে পারবে না।

(ঘ) রেজিস্ট্রেশনের জন্য উপজেলা/ থানা স্কাউটসের সুপারিশ গ্রহণযোগ্য
না হলে তার কারণ সংশ্লিষ্টদের জানাতে হবে।

২১১। রেজিস্ট্রেশনের মেয়াদ

গ্রুপ রেজিস্ট্রেশনের মেয়াদ চার্টার ইস্যুর তারিখ থেকে পরবর্তী ৩১ ডিসেম্বর
পর্যন্ত। বিধি মোতাবেক প্রতি বছর ৩১ ডিসেম্বরের মধ্যে বার্ষিক স্কাউট
পরিসংখ্যান, রেজিস্ট্রেশন ফি ও মেম্বারশীপ ফি প্রদান করে মঞ্জুরী নবায়ন করা
না হলে রেজিস্ট্রেশন বাতিল বলে গণ্য হবে।

২১২। ফি আদায়

উপজেলা/ থানা স্কাউট নিজস্ব উপবিধি অনুসারে পোশাকধারী স্কাউট,
স্কাউটার ও কমিশনারদের প্রদেয় বিশ্ব স্কাউট সংস্থার সদস্য ফি, বার্ষিক
রেজিস্ট্রেশন ফি ইত্যাদি আদায় করতে পারবে।

২১৩। নাম, প্রকৃতি ও নিয়ন্ত্রণ পরিবর্তন

কোন তালিকাভুক্ত স্কাউট গ্রুপ/ ইউনিটের নাম বা প্রকৃতি (মুক্ত বা
নিয়ন্ত্রিত) পরিবর্তন অথবা এক উপজেলা/ থানা, জেলা, অঞ্চল থেকে অন্য
উপজেলা/ থানা, জেলা, অঞ্চলে বদলী হওয়ার প্রয়োজন দেখা দিলে মূল
উপজেলা/ থানা স্কাউটস প্রয়োজনীয় ব্যবস্থা গ্রহণ করতে পারবে। তবে
এসব ক্ষেত্রে সংশ্লিষ্ট উভয় পক্ষের সম্মতি ও আঞ্চলিক কমিশনারের
পূর্বানুমোদন আবশ্যিক হবে। এরূপ বদলির সুপারিশের জন্য নির্ধারিত ফরম
ব্যবহার করতে হবে।

২১৪। নতুন ইউনিট

(ক) তালিকাভুক্ত কোন স্কাউট গ্রুপ/ ইউনিটে অতিরিক্ত শাখা/ ইউনিটে
অতিরিক্ত শাখা/ইউনিট খুলতে উপজেলা/ থানা স্কাউটস
কমিশনারের লিখিত অনুমতি প্রয়োজন হবে। কিন্তু এজন্য আলাদা
রেজিস্ট্রেশনের প্রয়োজন হবে না। পরবর্তী বার্ষিক কার্যবিবরণী ও
স্কাউট পরিসংখ্যান দাখিলের সময় পূর্ণ বিবরণী পাঠানোর পূর্ব পর্যন্ত
আঞ্চলিক কার্যালয়ে কোন বিবরণীও পাঠাতে হবে না।

(খ) কোন স্কাউট গ্রুপ/ ইউনিটে নতুন শাখা খোলার আবদেন প্রত্যাখ্যান
করা হলে প্রত্যাখ্যানের কারণ সংশ্লিষ্ট ইউনিট/গ্রুপকে অবহিত
করতে হবে।

২১৫। রেজিস্ট্রেশন বাতিল

MVb I wbqg

- (ক) নিম্নবর্ণিত কারণে আঞ্চলিক স্কাউটস কোন গ্রুপের রেজিস্ট্রেশন বাতিল করতে পারবে :
- ১) যথাসময়ে মঞ্জুরী নবায়ণ করা না হলে।
 - ২) গ্রুপের বিরুদ্ধে সুনির্দিষ্ট অভিযোগের প্রেক্ষিতে উপজেলা/থানা নির্বাহী কমিটির সিদ্ধান্তক্রমে। তবে এসব ক্ষেত্রে সংশ্লিষ্ট স্কাউট গ্রুপের লিডার ও নিয়ন্ত্রণকারীকে আত্মপক্ষ সমর্থনের সুযোগ দিতে হবে।
 - ৩) উপজেলা/থানা স্কাউটস এর রেজিস্ট্রেশন বাতিল হলে।
- (খ) নিম্নবর্ণিত পদ্ধতিতে স্কাউট গ্রুপ সাময়িকভাবে বাতিল ঘোষিত হতে পারে :
- ১) প্রমাণিত সুনির্দিষ্ট অভিযোগের প্রেক্ষিতে সরাসরি উপজেলা/থানা কমিশনার কর্তৃক।
 - ২) সুনির্দিষ্ট অভিযোগের প্রেক্ষিতে উপজেলা/থানা স্কাউটসের অনুমোদনক্রমে উপজেলা/থানা স্কাউটস কমিশনার কর্তৃক।
- (গ) সাময়িকভাবে বাতিল আদেশ বলবৎ থাকাকালে গ্রুপ/ইউনিটের সকল কার্যক্রম স্থগিত থাকবে এবং চূড়ান্ত সিদ্ধান্ত গ্রহণের পূর্বে উপজেলা/থানা কমিশনার অথবা সম্পাদক কর্তৃক তদন্তের ব্যবস্থা করতে হবে। তদন্তকালে সংশ্লিষ্ট গ্রুপ/ইউনিটের স্কাউটার ও নিয়ন্ত্রণকারীকে বক্তব্য পেশের সুযোগ দিতে হবে।
- (ঘ) তদন্তের ফলাফলের ভিত্তিতে গ্রুপের রেজিস্ট্রেশন বাতিল, বহাল অথবা প্রত্যাহার অথবা সংশ্লিষ্ট স্কাউটারদের সনদ প্রত্যাহারের সুপারিশ জেলা স্কাউটসের আঞ্চলিক স্কাউটসে প্রেরণ করতে হবে।
- (ঙ) কোন স্কাউটার বা নিয়ন্ত্রণকারীর যোগ্যতা ও চারিত্রিক অখণ্ডতার প্রশ্নে ব্যবস্থা গ্রহণের প্রয়োজন হলে উপজেলা/থানা স্কাউটসকে গ্রুপ/ইউনিটের রেজিস্ট্রেশন না দেয়া অথবা বাতিলের অথবা শাখা ভেঙ্গে দেয়ার সুপারিশ প্রয়োজনীয় ব্যবস্থা গ্রহণার্থে আঞ্চলিক স্কাউটসের নিকট পাঠাতে হবে।
- ২১৬। কাব স্কাউট ইউনিট
- (ক) সাধারণত দু' থেকে চারটি ষষ্ঠক (সিক্স) নিয়ে একটি কাব স্কাউট ইউনিট হবে। চারের অধিক ষষ্ঠক হলে একাদিক ইউনিট গঠন করতে হবে।

MVb I wbqg

- (খ) প্রত্যেক ষষ্ঠকে (সিক্স) একজন ষষ্ঠক নেতা, একজন সহকারী ষষ্ঠক নেতা ও চারজন কাব স্কাউট থাকবে।
- (গ) ১) কাব স্কাউট দলে ভর্তির জন্য একজন বালক/ বালিকার বয়স ছয় বছরের বেশি ও এগার বছরের কম হতে হবে। দলে ভর্তি হওয়ার তিন মাসের মধ্যে মেম্বারশীপ কার্যক্রমে সাফল্য অর্জনের পর দীক্ষা গ্রহণান্তে সে কাব স্কাউট হিসেবে পরিগণিত হবে। দীক্ষা গ্রহণের পূর্ব পর্যন্ত সে নবাগত (রিক্রুট) নামে পরিচিত হবে। দীক্ষা গ্রহণের পরই সে স্কাউট পোশাক, স্কার্ফ ও স্মারশীপ ব্যাজ পরিধান করতে এবং স্কাউট সালাম বিনিময় ও করমর্দন করতে পারবে।
- ২) একজন কাব স্কাউট প্রথম বছরে তারা ব্যাজ, দ্বিতীয় বছরে চাঁদ ব্যাজ এবং তৃতীয় বছরে চাঁদতারা ব্যাজ অর্জন করতে পারবে।
- ৩) উপরোক্ত ব্যাজ অর্জনের জন্য তাকে নির্দিষ্ট সংখ্যক পারদর্শিতা ব্যাজ অর্জন করতে হবে।
- ৪) শাপলা কাব অ্যাওয়ার্ড অর্জনের জন্য একজন কাব স্কাউটকে বিধি মোতাবেক প্রয়োজনীয় সংখ্যক পারদর্শিতা ব্যাজ অর্জন করতে হবে।
- (ঘ) **ষষ্ঠক নেতা**
ষষ্ঠকের (সিক্সার) কার্যক্রম পরিচালনায় সুষ্ঠু নেতৃত্ব দানের জন্য কাব স্কাউট লিডার প্রত্যেক ষষ্ঠক সিক্স) থেকে দক্ষ, অভিজ্ঞ ও চটপটে একজন কাব স্কাউটকে ষষ্ঠক নেতা (সিক্সার) নিয়োগ করবেন। ষষ্ঠক নেতা বিধান অনুসারে ষষ্ঠক নেতা ব্যাজ পরিধান করবেন।
- (ঙ) **সহকারী ষষ্ঠক নেতা**
ষষ্ঠক নেতার কার্যাবলী পরিচালনায় সহায়তা দান এবং তার অনুপস্থিতিতে ষষ্ঠকের কার্যক্রম পরিচালনার জন্য তার সঙ্গে আলোচনাক্রমে কাব স্কাউট লিডার ষষ্ঠকের অবশিষ্টদের মধ্য থেকে দক্ষ, অভিজ্ঞ ও চটপটে একজন কাব স্কাউটকে সহকারী ষষ্ঠক নেতা নিয়োগ করবেন।
- (চ) **ষষ্ঠক নেতা পরিষদ**
সংশ্লিষ্ট দলের কাব স্কাউট লিডার, সহকারী কাব স্কাউট লিডার, ষষ্ঠক নেতা এবং প্রয়োজনীয় ক্ষেত্রে সহকারী ষষ্ঠক নেতাদের নিয়ে ষষ্ঠক নেতা পরিষদ গঠিত হবে। অভ্যন্তরীণ প্রশাসন এবং কাব স্কাউট কার্যক্রম পরিচালনায় নেতৃত্বদানের প্রস্তুতি ও পরিকল্পনা প্রণয়ন

MVb I wbqg

ষষ্ঠক নেতা পরিষদের দায়িত্ব ও কর্তব্য। কাব স্কাউট লিডার এ পরিষদের সভাপতি ও সহকারী কাব স্কাউট লিডার এর সম্পাদক থাকবেন।

(ছ) সিনিয়র ষষ্ঠক নেতা

কাব স্কাউট লিডার ও সহকারী কাব স্কাউট লিডারদের প্রয়োজনীয় সহযোগিতা দান ও ষষ্ঠক নেতাদের সঙ্গে কাব স্কাউট লিডারদের যোগসূত্র রক্ষার জন্য ষষ্ঠক নেতা পরিষদের সাথে আলোচনাক্রমে কাব স্কাউট লিডার একজন সিনিয়র ষষ্ঠক নেতা (সিনিয়র সিক্সার) মনোনীত করবেন।

২১৭। স্কাউট ইউনিট

- (ক) সাধারণত দু'থেকে চারটি উপদল (প্যাট্রোল) নিয়ে একটি স্কাউট ইউনিট গঠিত হবে। চারের অধিক উপদল হলে একাধিক ইউনিট গঠন করতে হবে।
- (খ) প্রত্যেক উপদলে একজন উপদল নেতা, একজন সহকারী উপদল নেতা ও চার থেকে ছয় জন স্কাউট থাকবে।
- (গ) ১) স্কাউট ইউনিটে ভর্তির জন্য একজন বালক/ বালিকার বয়স এগার বছর বা তারচেয়ে বেশি এবং সতের বছরের কম হতে হবে। ভর্তি হওয়ার সময় সে নবাগত (রিক্রুট) নামে পরিচিত হবে। ভর্তির তিন মাসের মধ্যে স্কাউট মেম্বরশীপ কার্যক্রমে সাফল্য অর্জনের পর দীক্ষান্তে সে স্কাউট হিসেবে পরিচিতি লাভ করতে পারবে।
২) সাধারণত একজন স্কাউট প্রথম বছরে স্ট্যান্ডার্ড ব্যাজ, দ্বিতীয় বছরে প্রোগ্রেস ব্যাজ, তৃতীয় বছরে সার্বিস ব্যাজ, চতুর্থ বছরে প্রেসিডেন্ট'স স্কাউট অ্যাওয়ার্ড অর্জন করতে পারবে। তবে সর্বনিম্ন ২৫ মাসের মধ্যেও প্রেসিডেন্ট'স স্কাউট অ্যাওয়ার্ড অর্জন করা যাবে।
৩) প্রেসিডেন্ট'স স্কাউট অ্যাওয়ার্ড অর্জনের জন্য পারদর্শিতা ব্যাজ থেকে প্রতি স্তরে ন্যূনতম চারটি করে মোট ষোলটি ব্যাজ অর্জন করতে হবে।

(ঘ) উপদল নেতা

উপদল কার্যক্রম পরিচালনা, উপদল পতাকা বহন ও উপদল সদস্যদের বিভিন্ন স্কাউট কলায় ব্যবহারিক সাহায্যসহ নেতৃত্ব দানের জন্য স্কাউট লিডার প্রত্যেক উপদল থেকে দক্ষ, অভিজ্ঞ ও নেতৃত্বদানে সক্ষম স্কাউটকে নিয়ম মোতাবেক উপদল নেতা

MVb I wbqg

(প্যাট্রোল লিডার) নিয়োগ করবেন। উপদল নেতাগণ বিধান অনুসারে উপদল নেতা ব্যাজ পরিধান করবে।

(ঙ) **সহকারী উপদল নেতা**

উপদল নেতার কার্যাবলী পরিচালনায় সহায়তাদান এবং তার অনুপস্থিতিতে উপদল কার্যক্রম পরিচালনার জন্য স্কাউট লিডারের অনুমোদনক্রমে উপদল নেতা তার সহকারী উপদল নেতা নির্বাচন করবে।

(চ) **উপদল পরিষদ**

উপদলের সদস্যদের নিয়ে উপদল পরিষদ গঠিত হবে। উপদল নেতা পরিষদের সভাপতি ও সহকারী উপদল নেতা সম্পাদক হবে। স্কাউট প্রোগ্রামের যাবতীয় কার্যক্রম ও অভ্যন্তরীণ প্রশাসনিক কার্যক্রম উপদল পরিষদের সিদ্ধান্ত অনুযায়ী পরিচালিত হবে।

(ছ) **সিনিয়র উপদল নেতা**

ইউনিটের কার্যক্রম পরিচালনায় স্কাউট লিডার ও সহকারী স্কাউট লিডারকে প্রয়োজনীয় সহায়তা দান এবং ইউনিটের উপদল নেতাদের সঙ্গে স্কাউটারের যোগসূত্র রক্ষার জন্য উপদল নেতা পরিষদের সাথে আলোচনাক্রমে স্কাউট লিডার সিনিয়র উপদল নেতা নিয়োগ করবেন। সিনিয়র উপদল নেতা উপদল নেতা পরিষদের সভাপতিত্ব করবে এবং সকল অনুষ্ঠানে ইউনিট পতাকা বহন করবে।

(জ) **উপদল নেতা পরিষদ**

ইউনিটের সকল উপদল নেতার সমন্বয়ে উপদল নেতা পরিষদ গঠিত হবে। সিনিয়র উপদল নেতা পরিষদের সভাপতি ও পরবর্তী সিনিয়র উপদল নেতা সম্পাদক হবে। স্কাউট লিডার ও সহকারী স্কাউট লিডারগণ এ পরিষদের উপদেষ্টা হিসেবে কাজ করবেন। ইউনিটের অভ্যন্তরীণ প্রশাসন ও স্কাউট প্রোগ্রাম সম্পর্কিত কার্যক্রম এ পরিষদের সিদ্ধান্ত অনুযায়ী পরিচালিত হবে।

২১৮। রোভার স্কাউট ইউনিট

(ক) দু'টি থেকে চারটি রোভার স্কাউট উপদল (প্যাট্রোল) নিয়ে একটি রোভার স্কাউট ইউনিট গঠিত হবে। চারের অধিক উপদল হলে একাধিক ইউনিট গঠন করতে হবে।

(খ) প্রত্যেক রোভার স্কাউট উপদলে একজন রোভার মেট, একজন সহকারী রোভার মেট ও চারজন রোভার স্কাউট থাকবে। রোভার

MVb I wbqg

স্কাউট প্রোগ্রামের বিভিন্ন কার্যক্রম পরিচালনার জন্য প্রয়োজন অনুসারে সাময়িক উপদলও (এডহক প্যাট্রোল) গঠন করা যেতে পারে।

- (গ) ১) রোভার স্কাউট ইউনিটে ভর্তি হওয়ার জন্য কলেজ, বিশ্ববিদ্যালয়ের একজন ছাত্র-ছাত্রীকে ১৭ বছর বা তার বেশি এবং পঁচিশ বছর বা তার কম বয়সী হতে হবে। তবে রেলওয়ে, বিমান, নৌ ও অনুরূপ প্রতিষ্ঠানে চাকুরীজীবী রোভার স্কাউটদের ক্ষেত্রে এ বয়সসীমা ত্রিশ বছর পর্যন্ত হতে পারে।
- ২) দলে ভর্তি হওয়ার পর থেকে একজন তরুণ/তরুণী রোভার সহচর নামে পরিচিত হবে। ছ'মাস থেকে এক বছরের মধ্যে রোভার স্কাউট মেম্বারশীপ কার্যক্রমে সাফল্য অর্জনের পর আত্মশুদ্ধি ও দীক্ষা গ্রহণান্তে সে রোভার স্কাউট বলে পরিচিতি লাভ করবে এবং রোভার স্কাউট পোশাক, স্কার্ফ, ব্যাজ ও সোলডার এ্যাপুলেট পরিধান ও স্কাউট সালাম বিনিময় ও করমর্দন করতে পারবে।
- ৩) সাধারণভাবে একজন রোভার স্কাউট প্রথম বছরে সদস্য স্তর, দ্বিতীয় বছরে প্রশিক্ষণ স্তর, তৃতীয় বছরে সেবা স্তর ও প্রেসিডেন্ট'স রোভার স্কাউট অ্যাওয়ার্ড অর্জন করতে পারে। তবে সর্বনিম্ন ২৭ মাসের মধ্যেও প্রেসিডেন্ট'স রোভার স্কাউট অ্যাওয়ার্ড অর্জন করা যাবে।
- ৪) প্রেসিডেন্ট'স রোভার স্কাউট অ্যাওয়ার্ড অর্জনের জন্য একজন রোভারকে বিধি মোতাবেক প্রয়োজনীয় সংখ্যক পারদর্শিতা ব্যাজ অর্জন করতে হবে।
- (ঘ) **রোভার মেট**
সংশ্লিষ্ট রোভার উপদল পরিষদ রোভার ইউনিট কাউন্সিল ও রোভার স্কাউট লিডারের অনুমোদনক্রমে উপদলের কার্যক্রম পরিচালনার জন্য প্রতি বছর প্রত্যেক উপদলের জন্য একজন নির্বাচিত রোভারমেট থাকবে। রোভার মেটগণ বিধি মোতাবেক ব্যাজ পরিধান করবে।
- (ঙ) **সহকারী রোভারমেট**
রোভারমেটের কার্যাবলী পরিচালনায় সহায়তা করার জন্য এবং তার অনুপস্থিতিতে উপদল কর্মকাণ্ড পরিচালনার জন্য উপদল পরিষদ রোভার ইউনিট কাউন্সিল ও রোভার স্কাউট লিডারের অনুমোদনক্রমে

MVb I wbqg

রোভারমেট তার উপদল থেকে একজন সহকারী রোভারমেট নির্বাচন করবে।

(চ) উপদল পরিষদ

উপদলের সকল সদস্য সমন্বয়ে উপদল পরিষদ (প্যাট্রোল কাউন্সিল) গঠিত হবে। রোভার মেট প্যাট্রোল কাউন্সিলের সভাপতি ও সহকারী রোভারমেট সম্পাদক হবে।

রোভার স্কাউট প্রোগ্রামের যাবতীয় কার্যক্রম ও অভ্যন্তরীণ প্রশাসনিক কার্যক্রম উপদল পরিষদের সিদ্ধান্ত অনুযায়ী পরিচালিত হবে।

(ছ) সিনিয়র রোভারমেট

রোভার স্কাউট লিডার রোভার স্কাউট ইউনিট কাউন্সিলের সঙ্গে আলোচনাক্রমে রোভারমেটদের মধ্য থেকে নিম্নবর্ণিত যোগ্যতাসম্পন্ন রোভারমেটকে সিনিয়র রোভারমেট নির্বাচন করবেন;

- ১) রোভারমেট হিসেবে অন্যান্য ছ'মাসের অভিজ্ঞতা;
- ২) রোভার স্কাউট ইউনিট পরিচালনায় রোভার, স্কাউট লিডারদের সম্ভাব্য সকল প্রকার সাহায্যদানে সক্ষমতা;
- ৩) কাব স্কাউট, স্কাউট ও রোভার এর বইপত্র সম্পর্কিত বিশেষ জ্ঞান।

(জ) রোভার স্কাউট ইউনিট কাউন্সিল

- ১) রোভার ইউনিটে অভ্যন্তরীণ শৃঙ্খলা, প্রশাসন, তহবিল ও ব্যয় সংক্রান্ত বিষয়ে এবং রোভার কার্যক্রম সুষ্ঠুভাবে পরিচালনার্থে রোভার স্কাউট লিডার, সহকারী রোভার স্কাউট লিডার, রোভারমেট, সহকারী রোভারমেট এবং রোভার স্কাউটদের মধ্য থেকে প্রয়োজনীয় সংখ্যক নির্বাচিত প্রতিনিধি নিয়ে রোভার স্কাউট ইউনিট কাউন্সিল গঠিত হবে।
- ২) দু'টি উপদল বিশিষ্ট রোভার ইউনিটের ক্ষেত্রে পুরোদলই এরূপ পরিষদের কার্যাবলী পরিচালনা করবে।
- ৩) সিনিয়র রোভারমেট ইউনিট কাউন্সিলের সভাপতি এবং পরিবর্তী সিনিয়র রোভারমেট সম্পাদক হবেন। রোভার স্কাউট লিডার ও সহকারী রোভার স্কাউট লিডারগণ কাউন্সিলের উপদেষ্টা হিসেবে কাজ করবেন।

২১৯। নৌ স্কাউট

- (ক) সাধারণত মেম্বারশীপ, স্ট্যান্ডার্ড, প্রোগ্রাম, সার্ভিস, প্রেসিডেন্ট'স স্কাউট অ্যাওয়ার্ড ইত্যাদি প্রোগ্রামের সাথে নৌ স্কাউট শৃঙ্খলা, দিক

MVb I wbqg

নির্ণয়, পানিতে নিরাপত্তা/ উদ্ধার কাজ, নৌযানে ব্যবহৃত দড়ির কাজ, মাস্কুল ও পালের ব্যবহার, নেওয়ান পরিচালনা, আবহাওয়া বিজ্ঞান, নৌবাহ বিজ্ঞান ইত্যাদি নাবিকদের কার্যক্রম শিখে একজন স্কাউট নৌ স্কাউট হতে পারে।

- (খ) ১) প্রয়োজনীয় নৌকা, জলযান ও নৌ বিদ্যা শেখার উপকরণ ও প্রশিক্ষণ প্রাপ্ত নৌ স্কাউট লিডার পাওয়া গেলে দেশের সমুদ্রোপকূলীয় অঞ্চল, অভ্যন্তরীণ নৌ চলাচলযোগ্য যে কোন স্থানে যে কোন স্কাউট গ্রুপের শাখা হিসেবে অথবা আলাদাভাবে নৌ স্কাউট দল/ ইউনিট গঠন করা যাবে।
- ২) নৌ স্কাউট দর গঠনের জন্য যোগ্যতা ও অভিজ্ঞতাসম্পন্ন প্রশিক্ষণপ্রাপ্ত নৌ স্কাউট লিডার এবং প্রয়োজনীয় ন্যূনতম প্রশিক্ষণ উপকরণ পাওয়া না গেলে নৌ স্কাউট দল গঠনের অনুমতি দেয়া যাবে না।
- ৩) নৌ স্কাউট ইউনিটকে তাদের নৌ জেলা স্কাউটসের মাধ্যমে আঞ্চলিক নৌ স্কাউটসের সঙ্গে তালিকাভুক্ত হতে হবে।
- (গ) ১) নৌ স্কাউট ইউনিটে ভর্তি হওয়ার বয়স ও স্কাউট ইউনিটে ভর্তি হওয়ার বয়স একই। তবে নিরাপত্তার প্রয়োজনে বয়স ১৩ বছর পূর্ণ না হওয়া পর্যন্ত কাউকে নৌ স্কাউট পারদর্শিতা ব্যাজ অর্জন করতে দেয়া যাবে না। ইতোমধ্যে স্কাউটসের অন্যান্য পারদর্শিতা ব্যাজ অর্জন করতে হবে।
- ২) দীক্ষাপ্রাপ্ত যে কোন রোভার স্কাউট নৌ রোভার স্কাউট ইউনিটে যোগদান করতে পারবে।
- (ঘ) নৌ স্কাউট ও নৌ রোভার স্কাউটগণকে সাধারণভাবে স্কাউট ও রোভার স্কাউট প্রোগ্রামের সঙ্গে নৌ স্কাউট প্রশিক্ষণসহ বিধি মোতাবেক দক্ষতা ব্যাজ অর্জন করতে হবে।
- (ঙ) নৌ স্কাউট ও নৌ রোভার স্কাউটগণকে বিধি মোতাবেক পোশাক এবং ব্যাজ পরিধান করতে হবে।

২২০। এয়ার স্কাউট

- (ক) সাধারণভাবে মেম্বরশীপ, স্ট্যান্ডার্ড, প্রোগ্রাম, প্রেসিডেন্ট'স স্কাউট অ্যাওয়ার্ড ইত্যাদি কার্যক্রমের সাথে এয়ার স্কাউট শৃঙ্খলা, বিমান ইতিহাস ও পরিচয় চিহ্ন, বিমান অবতরণক্ষেত্র, আবহাওয়া বিজ্ঞান, বিমানবাহ বিজ্ঞান, বিমানযাত্রী ও মালামাল চলাচল নিয়ন্ত্রণ, উদ্ধার কাজ ইত্যাদি বৈমানিকদের কার্যাবলী শিখে যে কোন স্কাউট এয়ার স্কাউট হতে পারে।

MVb I wbqg

- (খ) ১) বিমান ও বৈমানিকদের কৌশলাদি শেখানোর জন্য প্রয়োজনীয় উপকরণ ও প্রশিক্ষণপ্রাপ্ত এয়ার স্কাউট লিডার পাওয়া গেলে যে কোন স্কাউট গ্রুপের শাখা হিসেবে অথবা আলাদাভাবে এয়ার স্কাউট দল/ ইউনিট গঠন করা যাবে। প্রয়োজনীয় ক্ষেত্রে যে কোন স্কাউট দলের সঙ্গে এয়ার স্কাউট উপদল গঠন করা যেতে পারে।
- ২) এয়ার স্কাউট দর গঠনের জন্য যোগ্যতা ও অভিজ্ঞতাসম্পন্ন প্রশিক্ষণপ্রাপ্ত এয়ার স্কাউট লিডার এবং প্রয়োজনীয় ন্যূনতম প্রশিক্ষণ উপকরণ পাওয়া না গেলে কোন এয়ার স্কাউট দল গঠনের অনুমতি দেয়া যাবে না।
- ৩) এয়ার স্কাউট ইউনিটকে তাদের জেলা স্কাউটসের মাধ্যমে আঞ্চলিক এয়ার স্কাউটসের সঙ্গে তালিকাভুক্ত হতে হবে।
- (গ) ১) এয়ার স্কাউট ইউনিটে ভর্তি হওয়ার বয়স স্কাউট দলে ভর্তি হওয়ার বয়সের অনুরূপ। তবে নিরাপত্তার প্রয়োজনে বয়স ১৩ পূর্ণ না হওয়া পর্যন্ত কাউকে এয়ার স্কাউট পারদর্শিতা ব্যাজ অর্জন করতে দেয়া যাবে না। ইতোমধ্যে তাকে স্কাউট এর অন্যান্য পারদর্শিতা ব্যাজ অর্জন করতে হবে।
- ২) দীক্ষাপ্রাপ্ত যে কোন রোভার স্কাউট এয়ার রোভার স্কাউট ইউনিটে যোগদান করতে পারবে।
- (ঘ) এয়ার স্কাউট ও এয়ার রোভার স্কাউটগণ সাধারণভাবে স্কাউট ও রোভার স্কাউট প্রোগ্রামের সঙ্গে এয়ার স্কাউট প্রশিক্ষণসহ বিধি মোতাবেক দক্ষতা ব্যাজ অর্জন করতে হবে।
- (ঙ) এয়ার স্কাউট ও এয়ার রোভার স্কাউটগণকে বিধি অনুসারে পোশাক এবং ব্যাজ পরিধান করতে হবে।

২২১। প্রতিবন্ধী স্কাউট

- (ক) প্রতিবন্ধী ছেলেমেয়েরা দৈহিক ও মানসিক প্রতিবন্ধীত্বের কারণে স্কাউটদের সাধারণ কার্যক্রমে পুরোপুরিভাবে অংশগ্রহণ করতে পারে না বিধায় আঞ্চলিক কমিশনারের মাধ্যমে জাতীয় সদর দফতরের অনুমোদনক্রমে উপজেলা/ থানা, জেলা স্কাউটস বিকল্প ব্যবস্থা হিসেবে তাদের উপযোগী প্রশিক্ষণ ও পরীক্ষণের ব্যবস্থাসহ প্রতিবন্ধী ক্যাম্প স্কাউট, স্কাউট রোভার, স্কাউট ইউনিট সংগঠন করতে পারবে।

MVb I wbqg

- (খ) প্রতিবন্ধী স্কাউট গ্রুপ বা ইউনিট/শাখা সাধারণ নিয়মানুযায়ে উপজেলা/থানা, জেলা স্কাউটসের সাথে তালিকাভুক্ত হবে।
- (গ) প্রতিবন্ধী স্কাউট গ্রুপের সকল শাখার স্কাউট বিধি অনুসারে পোশাক এবং অর্জিত ব্যাজ পরিধান করতে পারবে।

২২২। গ্রুপে ভর্তির পদ্ধতি

- (ক) স্কাউট গ্রুপ/ইউনিটে সদস্য ভর্তি গ্রুপ স্কাউট লিডারের দায়িত্ব। তিনি স্কাউটদের ক্ষেত্রে উপদল পরিষদ, উপদল নেতা পরিষদ, রোভার স্কাউটদের ক্ষেত্রে উপদল পরিষদ, রোভার স্কাউট ইউনিট কাউন্সিল ও গ্রুপ স্কাউটারস কাউন্সিলের সুপারিশক্রমে সদস্য ভর্তির ব্যবস্থা করবেন।

২২৩। স্থানান্তর ও বরখাস্ত

- (ক) কোন স্কাউট গ্রুপ/ইউনিট ত্যাগ করে স্কাউট কার্যক্রম পরিত্যাগ করলে তার সদস্যপদ বাতিল বলে গণ্য হবে।
- (খ) কোন স্কাউটকে গ্রুপ থেকে বরখাস্ত করার ক্ষেত্রে স্কাউট লিডার ও নিয়ন্ত্রণ কর্তৃপক্ষের অনুমোদন প্রয়োজন হবে।
- (গ) কোন স্কাউটকে গ্রুপ/ইউনিট থেকে বরখাস্ত করা হলে সে উপজেলা/থানা, জেলা স্কাউট কমিশনারের নিকট আপিল করতে পারবে।

২২৪। গ্রুপ স্কাউট লিডার

- (ক) একাধিক ইউনিট বিশিষ্ট স্কাউট গ্রুপের শাখার কার্যক্রম সুষ্ঠু পরিচালনা, সমন্বয় এবং গ্রুপকে প্রয়োজনীয় সাহায্য ও সহযোগিতা দানের জন্য যে কোন শাখায় দক্ষ ও অভিজ্ঞ স্কাউটারকে (উডব্যাজধারী বাঞ্ছনীয়) গ্রুপ স্কাউট লিডার নিয়োগ করা যেতে পারে। নিয়ন্ত্রণকারী উপজেলা/থানা স্কাউটস, জেলা স্কাউটসের সম্পাদক ও কমিশনারের সুপারিশসহ গ্রুপ স্কাউট লিডারের সনদের আবেদন আঞ্চলিক কার্যালয়ে পাঠাতে হবে।
- (খ) অনুরূপ যোগ্যতাসম্পন্ন স্কাউটারের অবর্তমানে যে কোন শাখা ইউনিটের ভারপ্রাপ্ত এবং বয়স, চরিত্র অভিজ্ঞতায় শ্রেষ্ঠতম স্কাউটারকে গ্রুপ স্কাউট লিডারের দায়িত্বভার দেয়া যেতে পারে। এ ক্ষেত্রে গ্রুপ স্কাউট লিডারের জন্য সনদের আবেদনের প্রয়োজন হবে না।
- (গ) এক ইউনিট বিশিষ্ট স্কাউট গ্রুপের ক্ষেত্রে ঐ ইউনিটের স্কাউট লিডারই গ্রুপ স্কাউট লিডারের কার্যাবলী পরিচালনা করবেন। তাঁকে

MVb I wbqg

গ্রুপ স্কাউট লিডার সনদ প্রাপ্তির জন্য স্কাউট লিডারের যোগ্যতাবলী ছাড়াও নিম্নবর্ণিত বিশেষ যোগ্যতা থাকতে হবে :

- ১) স্কাউটের সকল শাখার কার্যক্রম, বই, পুস্তিকা, সাময়িকী, 'গঠন ও নিয়মে' বর্ণিত প্রোগ্রাম সম্পর্কে পূর্ণজ্ঞান।
- ২) স্কাউটিংয়ের সকল শাখার ইউনিট লিডার হওয়ার মত প্রয়োজনীয় প্রশিক্ষণ ও অভিজ্ঞতা।
- ৩) স্কাউট প্রোগ্রাম পরিচালনার জন্য প্রয়োজনীয় স্কাউট ডেন/কক্ষ ও প্রশিক্ষণ উপকরণ সংগ্রহে দক্ষতা।
- ৪) বয়স অনূন্য ত্রিশ বছর।

(ঘ) গ্রুপ স্কাউট লিডারের কার্যাবলী

গ্রুপ স্কাউট লিডারের কার্যাবলী নিম্নরূপ হবে :

- ১) সাধারণভাবে গ্রুপের সকল শাখার কার্যাবলীর তদারক এবং বিভিন্ন স্কাউটারদের শাখা পরিচালনা ও প্রশাসনিক কার্যাবলীর সমন্বয় সাধন;
- ২) গ্রুপ স্কাউটারস কাউন্সিল সভায় সভাপতিত্ব এবং বিভিন্ন শাখা স্কাউটারদের কার্যাবলী সুষ্ঠু সম্পাদনে প্রয়োজনীয় সহায়তা ও উৎসাহ প্রদান;
- ৩) গ্রুপ কাউন্সিল ও গ্রুপ কমিটি সংগঠন এবং তাতে নিজে কাজ করা;
- ৪) স্কাউট সদস্য পদ সংক্রান্ত বিষয়াদি পরিচালনা;
- ৫) গ্রুপ স্কাউট লিডার নিয়ম অনুসারে পোশাক ও ব্যাজ পরিধান করবেন।

২২৫। কাব স্কাউট লিডার

(ক) কাব স্কাউট ইউনিট/ গ্রুপের নিয়ন্ত্রণকারী ও গ্রুপ স্কাউট লিডারের মনোনয়ন এবং উপজেলা/থানা, জেলা স্কাউটস কমিশনারের সুপারিশক্রমে আঞ্চলিক স্কাউটস কার্যালয় থেকে সনদপত্র দ্বারা কাব স্কাউট লিডার ও সহকারী কাব স্কাউট লিডার নিযুক্ত হবেন।

(খ) উভয় পদে মহিলা নিয়োগ করা যাবে।

(গ) দু'য়ের অধিক ষষ্ঠকের জন্য ষষ্ঠক প্রতি একজন করে সহকারী কাব স্কাউট লিডার থাকতে হবে।

(ঘ) কাব স্কাউট লিডারের যোগ্যতা :

কাব স্কাউট লিডার সনদ প্রাপ্তির জন্য নিম্নবর্ণিত যোগ্যতা থাকতে হবে :

- ১) কাব স্কাউটিং সম্পর্কিত বিভিন্ন বই, পুস্তিকা, সাময়িকী 'গঠন ও নিয়মে' বর্ণিত কাব স্কাউট প্রোগ্রাম সম্পর্কে পূর্ণ জ্ঞান এবং স্কাউটিংয়ের অন্যান্য শাখা সম্পর্কে সাধারণ জ্ঞান।

MVb I wbqg

- ২) কাব স্কাউট লিডারের বয়স অন্যান্য বিশ বছর থেকে সত্তর বছর এবং সহকারী কাব স্কাউট লিডারের বয়স অন্যান্য আঠার বছর থেকে সত্তর বছর পর্যন্ত।
 - ৩) সৎ চরিত্রের অধিকারী এবং কাব স্কাউটের সামনে নিজেকে আদর্শ হিসেবে উপস্থাপনের ক্ষমতা।
 - ৪) স্কাউট মূলনীতিতে আস্থা এবং অনুমোদিত কাব স্কাউট লিডার বেসিক কোর্সে সাফল্যের সাথে অংশগ্রহণ।
 - ৫) শিক্ষাগত যোগ্যতা কমপক্ষে এস,এস,সি পাশ বা সমমানের হতে হবে।
- (ঙ) কাব স্কাউট লিডারের দায়িত্ব :
- কাব স্কাউট লিডার ও সহকারী কাব স্কাউট লিডারের দায়িত্ব নিম্নরূপ হবে :
- ১) গ্রুপ স্কাউট লিডারের (যদি থাকেন) তত্ত্বাবধানে ও সহকারী কাব স্কাউট লিডারের সহযোগিতায় কেটি কাব স্কাউট ইউনিট পরিচালনা;
 - ২) সিক্সার কাউন্সিলের সাথে আলোচনাক্রমে অভ্যন্তরীণ প্রশাসন সম্পর্কে সিদ্ধান্ত গ্রহণ;
 - ৩) প্রতিবেশী ও অভিবাসকদের সমর্থনযোগ্যরূপে কাব স্কাউট কার্যক্রমকে প্রতিষ্ঠা এবং কার্যক্রম বাস্তবায়নে প্রয়োজনীয় অর্থ ও উপকরণ সরবরাহের জনসমর্থন আদায়;
- (চ) কাব স্কাউট লিডার ও সহকারী কাব স্কাউট লিডারগণ বিধি অনুসারে স্কাউট পোশাক ও ব্যাজ পরিধান করবেন।

২২৬। স্কাউট লিডার

- (ক) স্কাউট ইউনিট/গ্রুপের নিয়ন্ত্রণকারী ও গ্রুপ স্কাউট লিডারের মনোনয়ন এবং উপজেলা/থানা, জেলা কমিশনারের সুপারিশক্রমে আঞ্চলিক কার্যালয় থেকে সনদপত্র দ্বারা স্কাউট লিডার ও সহকারী স্কাউট লিডার নিযুক্ত হবেন।
- (খ) দু'য়ের অধিক উপদল বিশিষ্ট ইউনিটের জন্য উপদল প্রতি একজন সহকারী স্কাউট লিডার থাকতে হবে।
- (গ) স্কাউট লিডারের যোগ্যতা :
স্কাউট লিডার সনদ প্রাপ্তির জন্য নিম্নবর্ণিত যোগ্যতা থাকতে হবে-

MVb I wbqg

- ১) স্কাউটিং সম্পর্কিত বিভিন্ন বই, পুস্তিকা, সাময়িকী, 'গঠন ও নিয়মে' বর্ণিত স্কাউট প্রোগ্রাম সম্পর্কে পূর্ণ জ্ঞান এবং স্কাউটিংয়ের অন্যান্য শাখা সম্পর্কে সাধারণ জ্ঞান;
 - ২) স্কাউট লিডারের বয়স বিশ থেকে সত্তর বছর এবং সহকারী স্কাউট লিডারের বয়স আঠার থেকে সত্তর বছর।
 - ৩) সৎ চরিত্রের অধিকারী এবং স্কাউটদের সামনে নিজেকে আদর্শ হিসেবে উপস্থাপনের ক্ষমতা;
 - ৪) স্কাউট মূলনীতিতে আস্থা এবং অনুমোদিত স্কাউট লিডার বেসিক কোর্সে সাফল্যের সাথে অংশগ্রহণ;
 - ৫) শিক্ষাগত যোগ্যতা কমপক্ষে এস,এস,সি পাশ বা সমমানের হতে হবে।
- (ঘ) স্কাউট লিডারের দায়িত্ব :
- স্কাউট লিডার ও সহকারী স্কাউট লিডারের দায়িত্ব নিম্নরূপ হবে :
- ১) গ্রুপ স্কাউট লিডারের (যদি থাকেন) তত্ত্বাবধানে ও সহকারী স্কাউট লিডারের সহযোগিতায় একটি স্কাউট ইউনিট পরিচালনা;
 - ২) প্যাট্রোল লিডার কাউন্সিলের সাথে আলোচনাক্রমে ইউনিটের অভ্যন্তরীণ প্রশাসন স্কাউট প্রোগ্রাম সম্পর্কিত সিদ্ধান্ত গ্রহণ;
 - ৩) প্রতিবেশী ও অভিভাবকদের সমর্থনযোগ্যরূপে কাব স্কাউট কর্মক্রমকে প্রতিষ্ঠা এবং কার্যক্রম বাস্তবায়নে প্রয়োজনীয় অর্থ ও প্রশিক্ষণ উপকরণ সরবরাহের জনসমর্থন আদায়;
- (ঙ) স্কাউট লিডার ও সহকারী স্কাউট লিডারগণ বিধি অনুসারে স্কাউট পোশাক ও ব্যাজ পরিধান করবেন।

২২৭। রোভার স্কাউট লিডার

- (ক) রোভার স্কাউট ইউনিট/ গ্রুপের নিয়ন্ত্রণকারী ও গ্রুপ স্কাউট লিডারের' মনোনয়ন এবং জেলা কমিশনারের সুপারিশক্রমে আঞ্চলিক কার্যালয় থেকে সনদপত্র দ্বারা রোভার স্কাউট লিডার ও সহকারী রোভার স্কাউট লিডার নিযুক্ত হবেন।
- (খ) দু'য়ের অধিক উপদল বিশিষ্ট রোভার স্কাউট ইউনিটের জন্য উপদল প্রতি একজন সহকারী রোভার স্কাউট লিডার থাকতে হবে।
- (গ) রোভার স্কাউট লিডারের যোগ্যতা :
রোভার স্কাউট লিডার সনদ প্রাপ্তির জন্য নিম্নবর্ণিত যোগ্যতা থাকতে হবে :

MVb I wbqg

- ১) রোভার স্কাউটিং কার্যক্রম সম্পর্কিত বিভিন্ন বই, পুস্তিকা, সাময়িকী, 'গঠন ও নিয়মে' বর্ণিত স্কাউট প্রোগ্রাম সম্পর্কে পূর্ণ জ্ঞান এবং স্কাউটিংয়ের অন্যান্য শাখা সম্পর্কে সাধারণ জ্ঞান;
 - ২) রোভার স্কাউট লিডারের ক্ষেত্রে বয়স পঁচিশ থেকে সত্তর বছর এবং সহকারী রোভার স্কাউট লিডারের ক্ষেত্রে বয়স একুশ থেকে সত্তর বছর^২;
 - ৩) যুবকদের সঠিক পথে পরিচালনার্থে প্রয়োজনীয় ব্যক্তিত্ব, চরিত্র, অভিজ্ঞতা এবং রোভার স্কাউটিং ও নেতৃত্বের মূলনীতি উপলব্ধি করানোর দক্ষতা;
 - ৪) প্রতিবেশীদের সামাজিক প্রয়োজন সম্পর্কে সাধারণ জ্ঞান এবং রোভার স্কাউটদের উপযোগী সমাজ সেবা ও সমাজ উন্নয়ন কার্যক্রম গ্রহণের দক্ষতা;
 - ৫) স্কাউটিং মূলনীতিতে আস্থা এবং অনুমোদিত রোভার স্কাউট লিডার প্রশিক্ষণ কোর্সে সাফল্যের সাথে অংশগ্রহণ।
- (ঘ) রোভার স্কাউট লিডার ও সহকারী রোভার স্কাউট লিডারের দায়িত্ব নিম্নরূপ হবে :
- ১) গ্রুপ স্কাউট লিডারের (যদি থাকেন) তত্ত্বাবধানে ও সহকারী রোভার স্কাউট লিডারের সহযোগিতায় একটি রোভার স্কাউট ইউনিট পরিচালনা;
 - ২) প্যাট্রোল কাউন্সিলের সুষ্ঠু পরিচালনায় উৎসাহ ও পরামর্শ দান;
 - ৩) রোভার স্কাউট কাউন্সিল সুষ্ঠু পরিচালনায় উৎসাহ, উপদেশ ও প্রয়োজনীয় নির্দেশদান এবং ইউনিটের অভ্যন্তরীণ শৃঙ্খলা ও প্রোগ্রাম পরিচালনা, দলীয় তহবিল সংরক্ষণ ব্যয় নির্বাহের ব্যাপারে কাউন্সিলকে পূর্ণ সচেতন ও দায়িত্বশীল করে তোলা;
 - ৪) অভিভাবক, প্রতিবেশী ও সমাজের সমর্থনযোগ্যরূপে রোভার স্কাউট কার্যক্রমকে প্রতিষ্ঠিত করা এবং কার্যক্রম বাস্তবায়নে প্রয়োজনীয় অর্থ ও প্রশিক্ষণ উপকরণ সরবরাহের জনসমর্থন আদায়।
- (ঙ) রোভার স্কাউট লিডার ও সহকারী রোভার স্কাউট লিডার বিধি অনুসারে স্কাউট পোশাক ও ব্যাজ পরিধান করবেন।

২২৮। কাব স্কাউট ইন্ট্রাক্টর

- (ক) সংশ্লিষ্ট গ্রুপ স্কাউট লিডারের অনুমোদনক্রমে কাব স্কাউট লিডার একজন রোভার স্কাউট বা উপযুক্ত কোন ব্যক্তিকে, অথবা

MVb I wbqg

উপজেলা/থানা কমিশনারের অনুমোদনক্রমে একজন রেঞ্জার, গাইড বা গাইড ক্যাপ্টেন, কাব স্কাউট ইন্সট্রাক্টর পদ গ্রহণ করতে পারবেন।

- (খ) কাব স্কাউট ইন্সট্রাক্টরের বয়স ন্যূনতম সতের বছর হতে হবে।
- (গ) তাঁকে অনুমোদিত কাব স্কাউট ইন্সট্রাক্টর কোর্সে সাফল্যের সাথে অংশগ্রহণ করতে হবে।

২২৯। নৌ স্কাউট লিডার

- (ক) ইউনিট/গ্রুপ নিয়ন্ত্রণকারী ও গ্রুপ স্কাউট লিডারের মনোনয়ন এবং নৌ জেলা স্কাউটস কমিশনারের সুপারিশক্রমে নৌ আঞ্চলিক স্কাউটস কার্যালয় থেকে সনদপত্র দ্বারা নৌ স্কাউট লিডার ও সহকারী নৌ রোভার স্কাউট লিডার নিযুক্ত হবেন। নৌ রোভার স্কাউট লিডার ও সহকারী নৌ রোভার স্কাউট লিডারগণও অনুরূপ পদ্ধতিতে নিযুক্ত হবেন।
- (খ) ১) স্কাউট লিডারের যোগ্যতা অর্জন ছাড়াও তাকে অবশ্যই কোন অনুমোদিত নৌ স্কাউট লিডার বেসিক কোর্সে সাফল্যের সাথে অংশগ্রহণ করতে হবে;
- ২) নৌ রোভার স্কাউট লিডারের ক্ষেত্রে রোভার স্কাউট লিডারের যোগ্যতা ছাড়াও তাকে অবশ্যই কোন অনুমোদিত নৌ রোভার স্কাউট লিডার বেসিক কোর্সে সাফল্যের সাথে অংশগ্রহণ করতে হবে;
- ৩) অন্যান্য নিয়মাবলী স্কাউট লিডার ও রোভার স্কাউট লিডারের অনুরূপ হবে।

২৩০। এয়ার স্কাউট লিডার

- (ক) ইউনিট/গ্রুপের নিয়ন্ত্রণকারী ও গ্রুপ স্কাউট লিডারের মনোনয়ন এবং এয়ার জেলা স্কাউটস কমিশনারের সুপারিশক্রমে আঞ্চলিক এয়ার স্কাউট কার্যালয় থেকে সনদপত্র দ্বারা এয়ার স্কাউট লিডার ও সহকারী এয়ার স্কাউট লিডার নিযুক্ত হবেন। এয়ার রোভার স্কাউট লিডার ও সহকারী এয়ার রোভার স্কাউট লিডারগণও অনুরূপ পদ্ধতিতে নিযুক্ত হবেন।
- (খ) ১) স্কাউট লিডারের যোগ্যতা অর্জন ছাড়াও তাকে অবশ্যই কোন অনুমোদিত এয়ার স্কাউট লিডার বেসিক কোর্সে সাফল্যের সাথে অংশগ্রহণ করতে হবে;
- ২) এয়ার রোভার স্কাউট লিডারের ক্ষেত্রে রোভার স্কাউট লিডারের যোগ্যতা অর্জন ছাড়াও তাকে কোন অনুমোদিত

MVb I wbqg

রোভার স্কাউট লিডার বেসিক কোর্সে সাফল্যের সাথে অংশগ্রহণ করতে হবে।

- ৩) অন্যান্য নিয়মাবলী স্কাউট লিডার ও রোভার স্কাউট লিডারের অনুরূপ হবে।

২৩১। প্রতিবন্ধী স্কাউট লিডার

কাব স্কাউট লিডার, স্কাউট লিডার ও রোভার স্কাউট লিডারের যোগ্যতা অর্জনের সাথে শারীরিক ও মানসিক প্রতিবন্ধীদের উপযোগী কার্যক্রম পরিচালনায় দক্ষ ও অভিজ্ঞ স্কাউট লিডার প্রতিবন্ধী স্কাউট লিডার হিসেবে নিযুক্ত হতে পারেন। তবে নিয়োগের পূর্বে তাঁকে কোন অনুমোদিত প্রতিবন্ধী স্কাউট লিডার বেসিক কোর্সে সাফল্যের সাথে অংশগ্রহণ করতে হবে।

২৩২। গ্রুপ স্কাউটারস কাউন্সিল

- (ক) ১) দুই বা ততোধিক শাখা বিশিষ্ট স্কাউট গ্রুপের সকল স্কাউটার ও সহকারী স্কাউটারদের নিয়ে গ্রুপ স্কাউটারস কাউন্সিল গঠিত হবে।
- ২) গ্রুপ স্কাউট লিডার গ্রুপ স্কাউটারস কাউন্সিলের সভাপতি এবং পরবর্তী সিনিয়র স্কাউটার সম্পাদক হবেন।
- ৩) সাধারণভাবে এ পরিষদ মাসিক নিয়মিত অধিবেশনে মিলিত হয়ে গ্রুপের প্রশিক্ষণ কার্যাবলী সুষ্ঠু বাস্তবায়নের পদক্ষেপ গ্রহণ করবে। প্রয়োজনে পরিষদ যে কোন সময়ে অধিবেশনে মিলিত হতে পারবে।
- (খ) গ্রুপ স্কাউটারস কাউন্সিলের কার্যাবলী :
- গ্রুপ স্কাউটারস কাউন্সিলের কার্যাবলী নিম্নরূপ হবে -
- ১) গ্রুপের সকল শাখার ইউনিটে সদস্য ভর্তি, বদলী ও অ্যাওয়ার্ড ইত্যাদি বিবেচনা।
- ২) গ্রুপের সকল শাখার সদস্যদের পর্যায়ক্রমিক উন্নয়ন, মান সংরক্ষণ ও ব্যাজ প্রদান।
- ৩) গ্রুপ কার্যক্রমে পরিকল্পনা ও সমন্বয় সাধন।
- ৪) নিয়মিত গ্রুপ কমিটিতে মাসিক কার্যবিবরণী পেশ এবং পরবর্তী মাসিক কর্মসূচীসহ প্রয়োজনীয় অর্থ মঞ্জুরীর ব্যবস্থা।

২৩৩। গ্রুপ কাউন্সিল

- (ক) স্কাউটদের মাতা-পিতা, পুরাতন স্কাউট, স্কাউট আন্দোলনের সমর্থক, দরদী বন্ধু ও নিয়ন্ত্রণকারীদের সমন্বয়ে গ্রুপ কাউন্সিল গঠিত

MVb I wbqg

হবে। গ্রুপ কাউন্সিল বৎসরে অন্ততঃ একবার সাধারণ সভায় মিলিত হবে।

গ্রুপ কাউন্সিলের দায়িত্ব :

- (খ) ১) গ্রুপের বিভিন্ন শাখা ইউনিট গঠন ও চালু রাখা, গ্রুপের সম্পত্তি ও তহবিল সংরক্ষণ, স্কাউট আদর্শ প্রচার এবং স্কাউট লিডারকে প্রয়োজনীয় প্রশিক্ষণ উপকরণ, তাঁবু বাস উপকরণ, স্কাউট ডেন সংগ্রহে সহায়তা এবং প্রয়োজনীয় অর্থ সংস্থান গ্রুপ কাউন্সিলের দায়িত্ব।
- ২) স্কাউট প্রোগ্রাম, প্রশিক্ষণ কার্যক্রমে পরিষদ হস্তক্ষেপ করবে না। তবে সৃষ্টি প্রশিক্ষণ দানের জন্য প্রয়োজনীয় সংখ্যক যোগ্যতাসম্পন্ন স্কাউটার নির্বাচন, মনোনয়ন ও নিয়োগের সুপারিশ করবে।
- (গ) গ্রুপ কাউন্সিল সদস্যদের কার্যকালের মেয়াদ নিম্নলিখিতভাবে শেষ হয়ে যাবে :
 - ১) পদত্যাগের ফলে।
 - ২) গ্রুপ কমিটি ভেঙ্গে দেয়া হলে।
 - ৩) নির্বাহী কমিটি/ কাউন্সিলের সুপারিশক্রমে আঞ্চলিক স্কাউটস কর্তৃক নির্দেশিত হলে।

২৩৪। গ্রুপ কমিটি

- (ক) ১) গ্রুপ কাউন্সিলের কার্যাবলী সৃষ্টি বাস্তবায়নে কাউন্সিল সদস্যদের মধ্য থেকে সভাপতি/ নিয়ন্ত্রণকারী, সহ-সভাপতি, সম্পাদক, কোষাধ্যক্ষ, গ্রুপ স্কাউট লিডার, শাখা লিডারগণ, নির্বাচিত সংখ্যক সদস্য প্রতিনিধি ও সিনিয়র রোভার মেট নিয়ে গ্রুপ কমিটি গঠিত হবে।
- ২) নিয়ন্ত্রিত দলের ক্ষেত্রে প্রতিষ্ঠান প্রধান এবং মুক্ত দলের ক্ষেত্রে স্থানীয় সম্মানিত কোন ব্যক্তি দলের গ্রুপ সভাপতি হবেন।

গ্রুপ অধিবেশন

- (খ) সাধারণভাবে এ কমিটি নিয়মিত মাসিক অধিবেশনে মিলিত হয়ে স্কাউট গ্রুপের যাবতীয় কার্যাবলীর রিপোর্ট গ্রহণ করবে এবং পরবর্তী কার্যক্রমের মাসিক ত্রৈমাসিক পরিকল্পনা বাস্তবায়নে প্রয়োজনীয় ব্যবস্থা গ্রহণ করবে। প্রয়োজন হলে কমিটি যে কোন সময় অধিবেশনে মিলিত হয়ে সিদ্ধান্ত গ্রহণ করতে পারবে।

MVb I wbqg

- (গ) সাধারণভাবে প্রতি বছর বার্ষিক সাধারণ সভায় মিলিত হয়ে বার্ষিক কার্যবিবরণী ও অডিট রিপোর্ট গ্রহণ, পরবর্তী বার্ষিক কার্যসূচী অনুমোদন, গ্রুপ কমিটি নির্বাচন ইত্যাদি কার্যাবলী সম্পাদন করবে।

২৩৫। গ্রুপ তহবিল

- (ক) স্কাউট গ্রুপ/ ইউনিটের তহবিলের সমুদয় অর্থ যে কোন সিডিউল ব্যাংকে জমা রাখতে হবে এবং কাউন্সিল/ কমিটি কর্তৃক দু'জন সদস্যের যৌথ স্বাক্ষরে হিসাব পরিচালিত হবে।
- (খ) স্কাউট গ্রুপের নিরীক্ষিত হিসাবের রিপোর্ট প্রতি বছর নিয়মিতভাবে নিজ নিজ নিয়ন্ত্রণ কর্তৃপক্ষের কাছে পাঠাতে হবে।